

# Grŵp Ymgynghori Ymchwil Cymwysterau Cymru.

## Cylch Gorchwyl

### Cefndir

1. Mae Cymwysterau Cymru'n cynnal ymchwil, gan ystyried ein materion, er mwyn cyflawni ein prif nodau sef sicrhau bod cymwysterau a'r system cymwysterau yng Nghymru'n diwallu anghenion rhesymol dysgwyr ac yn hyrwyddo hyder y cyhoedd.
2. Bwriad y Grŵp Ymgynghori Ymchwil yw'n helpu i ddatblygu ein swyddogaeth ymchwilio a'n hymchwil. Un o rolau allweddol y grŵp yw darparu cyngor a herio – ar gynllunio ymchwil, methodoleg, dadansoddi ac adrodd am ganfyddiadau.

### Rôl

3. Lle y bo angen, rôl y grŵp yw:
  1. Craffu ar geisiadau ymchwil fel 'cyfaill beirniadol' gan ystyried ein prif nodau, strategaethau a chynlluniau yn ogystal â gwytnwch a hwylustod yr ymchwil.
  2. Ystyried ein hymagwedd a'n hymddygiad yn unol â'r safonau proffesiynol o fewn ymchwil yr ydym yn anelu at gydymffurfio â nhw.
  3. Cynorthwyo wrth ddatblygu strategaeth ymchwil a pholisi drwy gynnig cwestiynau ymchwil posibl neu ein hysbysu ynglŷn ag unrhyw ymchwil perthnasol sy'n cael ei gynnal yn rhywle arall.
  4. Darparu cyngor ar ymchwil a dulliau ystadegol.
  5. Ystyried allbynnau ymchwil gan gynnwys goblygiadau canfyddiadau a herio'r canlyniadau a'r casgliadau sy'n deillio o dystiolaeth.
  6. Darparu mewnbwn allanol i wersi a ddysgwyd o brosiectau ymchwil.
  7. Helpu adeiladu ein perthnasoedd gyda sefydliadau ac unigolion allanol perthnasol.
  8. Cynnig cyngor mewn perthynas ag ystyriaethau moesol os yw'n briodol.

### Aelodaeth

4. Mae Cymwysterau Cymru'n gyfrifol am sefydlu a chynnal y grŵp, am benderfynu ac adolygu ei strwythur, ac am gymeradwyo a diweddarau ei gylch gorchwyl.

5. Bydd aelodaeth graidd o'r grŵp yn cynnwys:

**Cymwysterau Cymru:**

- Cyfarwyddwr Gweithredol Adnoddau Corfforaethol i weithredu fel Cadeirydd;
- Rheoleiddiad y Cyfarwyddwr Gweithredol;
- Pennaeth Ymchwil;
- Un aelod o Fwrdd Cymwysterau Cymru.

**Aelodau allanol:**

- Hyd at 6 gweithiwr proffesiynol o'r maes.
6. Caiff aelodau panel allanol sydd â gwybodaeth a sgiliau perthnasol eu recriwtio trwy broses mynegiant o ddiddordeb.
7. Mae'n bosibl y gwahoddir arbenigwyr annibynnol eraill, Cynrychiolwyr rhanddeiliaid, ac aelodau o staff Cymwysterau Cymru y tu allan i'r grŵp craidd i gyfranogi neu siarad â'r grŵp ar faterion penodol sy'n cael eu trafod. Caiff gwahoddiadau i fynychu a siarad â'r grŵp eu cymeradwyo gan y Cadeirydd.
8. Caiff ysgrifenyddiaeth ar gyfer y grŵp ei ddarparu gan Cymwysterau Cymru.
9. Bydd y cadeirydd ac aelodau o'r grŵp yn rheoli, trwy esgusodi am eitemau'n ymwneud â'r agenda, unrhyw wrthdaro o ran buddiannau a godir yn yr agenda ar gyfer cyfarfodydd. Gallai hyn gynnwys, er enghraifft, y potensial o gael gwybodaeth o flaen llaw ynglŷn ag unrhyw gaffael o ran ymchwil yn y dyfodol gan Cymwysterau Cymru.

## Cyfarfodydd

10. Bydd y gweithgor yn cwrdd ddwywaith y flwyddyn, bob rhyw 6 mis. Disgwylir y bydd un cyfarfod yn digwydd yn yr Hydref er mwyn caniatáu i ymchwil fwydo mewn i gynllunio gweithredol ar gyfer y flwyddyn ariannol ganlynol. Gallai'r Cadeirydd alw cyfarfod ychwanegol mewn cyfnod o 12 mis os oes angen, er mwyn sicrhau bod cyfrifoldebau'r grŵp yn cael eu diwallu.
11. Mae'r gweithgor â chworwm os oes o leiaf dau aelod craidd o Cymwysterau Cymru yn bresennol.
12. Rhaid rhoi hysbysiad o o leiaf fis ar gyfer cyfarfod o'r gweithgor.

13. Gall aelodau craidd gynnig eitemau busnes i'w cynnwys ar yr agenda. Dylid gwneud ceisiadau am eitemau agenda o leiaf 2 wythnos waith cyn y cyfarfod. Mae'r penderfyniad terfynol dros gynnwys eitem yn nwylo'r Cadeirydd.
14. Caiff nodiadau o bwyntiau trafod a gweithredu allweddol eu cynhyrchu gan Cymwysterau Cymru a'u dosbarthu ar gyfer unrhyw sylw o fewn 10 diwrnod gwaith i bob cyfarfod.
15. Gall Cymwysterau Cymru ofyn i aelodau o'r grŵp am gyngor drwy ohebiaeth os oes gofyniad ymchwil tymor byr yn codi y mae'n rhaid mynd i'r afael ag ef cyn y cyfarfod nesaf o'r grŵp.

## Gwneud penderfyniadau

16. Nid yw'r gweithgor yn gorff sy'n gwneud penderfyniadau. Mae'n rhoi cyngor i Cymwysterau Cymru. Bydd yr ysgrifenyddiaeth yn adrodd i Fwrdd Rheoli Cymwysterau Cymru, gan wirio gyda'r aelodau craidd bod unrhyw adroddiad o'r fath yn gynrychiolaeth deg a chywir o'r drafodaeth.

## Adolygiad

17. Caiff rôl y grŵp, ynghyd â'r cylch gorchwyl hwn, eu hadolygu ddim hwyrach na 12 mis ar ôl ei gychwyn, a phob ryw 12 mis ar ôl hynny.